



SA GEMEENTE
SA CONGREGATION



Preek Tema vir die Maand.

Paasfees.

Liefde se som.....

Ons almal is maar bang dat die liefde dalk sal opraak
Dus probeer ons dit tot sterwens toe bewaak
En dan bêre jy dit veilig in die hart se diepste kluis
En hou jou naaste op 'n afstand met jou vuus
Maar dit is die goeters wat mens weggee wat jou ryk maak
En dit is daarmee wat jy mense om jou raak
Want wat beteken liefde as niemand dit gebruik nie
Of 'n blom se geur as niemand daaraan ruik nie
Ek vermoed die hart werk soos die weduwee se kruik
Wat vol bly, selfs al sou sy dit gebruik
Ek vermoed die hart werk soos die weduwee se kruik
En die liefde, soos die olie in sy buik
Dit is eintlik so eenvoudig en tog almal murmureer
Want die liefde het 'n les wat baie min van ons ooit leer
Jy kan nie liefde optel, soos in boekhou balanseer nie
Want die liefdeswins se som bly omgekeer.

Lukas Maree





SA GEMEENTE
SA CONGREGATION

Maandelikse Bybelse Bespreking.

Paasfees.

deur André Harmzen

Gekraakte kruike.

Hoe waar is die woorde van Lukas Maree se liedjie '*Die Weduwee Se Kruik*' darem nie...? Ons elkeen werk en worstel om dit wat ons het te behou; ons streef na die volgende 'iets' wat ons nog nie het nie; ons droom van die dinge wat moontlik 'buite ons bereik' is. Selfs in ons liefde en geloof streef ons daarna om 'beter' te wees.

Wanneer Jesus in Getsemane gaan bid vra Hy '*Laat hierdie lydensbeker by My verbygaan, maar laat U wil geskied en nie my wil nie*'. Christus se woorde draai die wêreld se verwagting op sy kop. Die waarde van die kruis se boodskap is omgekeerd. Ons redding is juis geleë in Christus se lyding, kruisdood en opstanding uit die dood.

In Paastyd word ons herinner dat Jesus se liefde se *som* omgekeerd is. Ons is kruike in die Pottebakker se hand en Hy vul ons met Sy liefde, genade, vrede en goedheid. Wanneer die lewe se krake soms sigbaar word, moet ons onthou – dit is deur die krake wat ons Sy reddende liefde kan deel en die mense rondom ons aanraak en voed.





SA GEMEENTE
SA CONGREGATION

IN HIERDIE UITGAWE

GESAMENTLIKE PAASDIENS

VIR DIE KINDERS

MANNE NAWEEK

FAMILIE KAMP

GAIN UK

10 BELOFTES

KONTAK ONS



Gesamentlike Paasdiens.

21 April 2019.

Paassondag kom al SA Gemeente se Wyke bymekaar in Guildford, waartydens ons 'n spesiale Paasdiens gaan hou. Na die diens kuier ons saam.

Spyskaart:

Volwassenes: £12.00

Hoenderroom potjie

Tamatiebredie Lamsnek potjie

Basmatierys

Griekse slaai

Durban kerrie piesangslaai

Kinders: (Kinders 8 jaar en jonger) £5.00

Boerewors broodrolletjies

(Etes word op die dag betaal)


Bring asb eie drinkgoed en glase. Koffie en tee word bedien.

Adres: King's College,
Southway, Guildford,
GU2 8DU



SA GEMEENTE
SA CONGREGATION

Vir die kinders. Die intog in Jerusalem



Kleur die prente in en knip hulle uit.
Plak elke dag een blokkie op die pad in die regte volgorde soos dit gebeur het.

Gebruik die Bybelgedeeltes as leidrade.



Jesus bid in Getsemane



Jesus word gevang



Jesus kry 'n doringkroon



Jesus word gekruisig



Jesus eet saam met sy dissipels



Jesus word gesalf



Petrus ontken dat hy Jesus ken

Christ
is
Risen!



SA GEMEENTE
SA CONGREGATION

Manne Nameek. 8-10 Maart.

(‘n Ooggetuie verslag – wel, soort van – deur André Fourie)

Driaan, ons uiters bekwame kampkommandant, was besig om die reëlins aan ons te verduidelik en kom toe by die “fire drill” met die woorde: “Wanneer daar dalk ‘n vuur sou uitbreek ...”. Hy kon egter nie dadelik sy sin voltooi nie, want iemand skreeu toe, onder luide geskater: “Dan braai ons!”. Toe weet ek, ek is tussen my mense – Suid-Afrikaners (en ‘n hans-Skot).

So het die naweek van die mannekamp begin, en ook geëindig, by The Poplars, daar in Bromsberry Heath, Herefordshire – die naweek van 8 tot 10 Maart. Ons het saam gelag (baie!), saam gebid en saam gebrui. Stewige vriendskapsbande is gesmee en ook weer hernu - negentien van ons onder die vaandel: Manne van God.





SA GEMEENTE
SA CONGREGATION

Vrydagaand het ons aan hoenderstukkies en pasteitjies en goetertjies gepeusel (soos mans maar doen) terwyl die ruim sitkamer algaande voller geword het. Laataand was ons voltallig, so tussen kenmekaar en Bybelstudie deur, onder leiding van onse dominee, André Harmzen. Vroeg Saterdagoggend het ons in die indrukwekkende lesinglokaal bymekaar gekom en onder leiding (weer 'n keer) van André gesels oor “Wat beteken dit vir ons om 'n Christen in die moderne tyd te wees?”

Na 'n stewige ontbyt, deur Span 1 voorberei, het Dr Ferdie Clasen ons gelei deur 'n gesprek oor “'n Huis vol vrede” en die vraag is, onder andere gevra, “Hoe behoort ons huis te lyk wanneer ons God se vredesaanbod aanvaar?”

Middagete, deur (ja, reg geraai) Span 2, is gevolg deur 'n sessie wat die kampers weer eens met baie stof tot nadenke gelaat het. Prof. Gideon Maas het sy meerdere kennis op ons losgelaat met 'n bespreking van die vrae, “Wat is sukses? Wanneer is ons suksesvol?” en “Hoe meet ons, ons sukses?”





SA GEMEENTE
SA CONGREGATION

Rugbykyk, slaap, stap en tafeltennis was van die aktiwiteite op die Saterdagmiddag-program en die Bulls-ondersteuners het rede gehad om die vreugdevure agtermiddag met die vleisbraai hoog te laat brand.

Sondagoggend, na ontbyt, het ons geliefde broer Marius Schultz die verrigtinge afgesluit met 'n inspirerende boodskap oor die lewe se kwellinge en hoe ons, dit moet benader.

So tussen opruim, oppak en groet deur was daar 'n refrein:

Ons sien mekaar (DV) baie beslis volgende jaar weer by die kamp (en ons het ook gedink aan hulle wat nie so gelukkig soos ons was om dit te kon bywoon nie).





SA GEMEENTE
SA CONGREGATION

KALENDER

7 APRIL 10 UUR EREDIENS.

21 APRIL 10 UUR GESAMENTLIKE PAASDIENS
GUILDFORD.



Familie Naweek 31 Mei- 2 Junie

Marsten kampterrein.

Kom kamp en kuier saam! Dit gaan net 'n lekker kuier naweek wees, waartydens almal saam kuier en braai, of by Kingsbury waterpark kan ontspaan. Elkeen bespreek sy eie staanplek. Bespreek jou plek by 01675 470902. Gebruik SA Congregation as verwysing. Daar is voorlopig 10 plekke bespreek. Koste £18/ nag, Dagbesoekers £1/ppp dag. Daar gaan geen formele program wees nie.

Vir meer inligting kontak Frikkie 075 0691 8027 of frikkiegreyling@agape.org.uk



SA GEMEENTE
SA CONGREGATION


GAIN UK

Gain UK leef en deel Jesus se liefde in Griekeland onder die vlugteling. Hul probeer die lewe makliker maak vir die vlugteling wat in Griekeland aan wal stap. Die jaar is hul fokus om baba doeke te stuur.

Daar is 'n geweldige nood vir doeke. Hier is 'n boodskap wat ons van die bestuur van Camp Moria gekry het....

We go through 7500 diapers a week. We hand out 100 appointment tickets per day, Monday to Friday, each child receives between 7-35 diapers per week depending on age and whether they are a new arrival. The sizes we go through the most are 4 and 5.

Die proses met doeke is as volg....Elke dag gaan besoek van die vrywillige werkers in die kampe(as ons daar is doen ons dit) die ma's in hulle blyplekke. Daar word 'n behoefte bepaling gedoen en "Kaartjies" word uitgereik om doeke te gaan haal. By die inligtings toonbank van die kamp is daar 'n 'doeke hoekie'. Gewoonlik bring die pa's dan hulle kaartjies en word die doeke aan hulle gegee... net genoeg om in hul behoeftes te voorsien en ook afhangende van hoeveel voorraad daar in die stoor beskikbaar is. Sien die foto by die doeke hoekie...



Ons doen 'n beroep op elkeen om ons te help met die groot proses. Julle kan bure, kollega's en ander kerke vra om deel te wees. Ons het 'n vervoer maatskappy in plek om groot hoeveelhede te kom haal daar waar julle insamel.

Ons het maandelikse doelwitte.... **maar ons doelwit is om 500 000 doeke in te kry gedurende 2019.**



SA GEMEENTE
SA CONGREGATION

10 Beloftes

Eerste belofte

As Ek die eerste plek in jou lewe inneem, sal jy geen ander gode wil dien nie, want Ek sal die ereplek in jou lewe hê!

Tweede belofte

As Ek in jou hart woon, sal dit nie nodig wees om gesnede beelde van My te maak nie, want jy sal self My beeld dra!

Derde belofte

As jy My liefhet, sal My naam nooit 'n vloekwoord oor jou lippe kan wees nie, maar in alle omstandighede deur jou eerbiedig en gerespekteer word!

Vierde belofte

As Ek die ereplek in jou lewe het, sal Sabbat die hoogtepunt van die week vir jou wees. Dit sal vir jou 'n vreugde wees om in die Gemeenskap van die gelowiges My te aanbid. 'n Dag om na uit te sien, nie om teen op te sien nie!

Vyfde belofte

As Ek in jou lewe is, sal dit vir jou 'n voorreg wees om jou ouers te eer en lief te hê. Dit sal nie vir jou moeilik wees nie, want agter Hulle sal jy My sien wat hulle vir jou uitgekies het!

Sesde belofte

As jy my liefde jou eie gemaak het, sal jy nooit iemand wil seermaak of haat nie, wat nog te sê doodmaak!

Sewende belofte

As jy My liefhet, sal dit nie moeilik wees om aan jou lewensmaat getrou te wees nie. As Ek 'n plek in jou huwelik het, sal julle vir mekaar lief wees en julle geluk sal ek in my hande bewaar en vashou!

Agtste belofte

As Ek op die troon van jou lewe sit, sal jy daaglik vra: 'Aan wie en waar kan ek aan 'n ander iets gee en jy sal nooit iets van 'n ander wil neem nie?'

Negende belofte

As Ek in jou lewe is, sal dit nie meer vir jou lekker wees om van 'n ander kwaad te praat nie. Deur my gees sal jy 'n mens wees wat van 'n ander niks sal sê as dit nie iets goeds is nie!

Tiende belofte

As jy een met My is, sal My gees jou tevredenheid gee om vergenoegd te wees met wat jy het, met die besef dat God gee soos wat jy nodig het en wat Hy gee, gee Hy altyd genoeg sodat jy niks sal kortkom nie!



SA GEMEENTE
SA CONGREGATION

Kontak Andre Harmzen



SA Gemeente Loughton Kerkkantoor
16 Baldocks Road
Theydon Bois
CM16 7EB

Epos: andre@sagemeente.com

Erediens Tye

Ons Eredienste is elke 1ste
en 3de Sondag van die
maand om 10:00.

Adres

Alderbrook School, Blossomfield
Road, Solihull, B91 1SN
(Google Maps)

Kontak Helena



Helena Claassen

Epos: helena@sagemeente.com